



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Juramenti Punctatoris Capituli Form. V.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

Alia brevior.

FORMULA IV.

EGO N. juro in nominatione, & præsentatione de me facta per N. Patro-
num ad Beneficium N. in Ecclesia N. non intervenisse, neque intervenite
aliquam simoniæ labem, nec aliam illicitam pactionem expressam, neque tacitam
sic me Deus adjurovet &c.

ADNOTATIONES.

1. **I**NVENTARIUM ME FACTURUM.

Promissio jurata conficiendi Inventarium, recipi, & injungi poterit, quia omnes Beneficiati, ut alibi jam diximus, juxta dispositionem Constit. Sixti V. quam refert Quarant. in Summ. Bullar. verb. Archivium, tenentur illud conficere, sicuti & Administratores locorum piorum, Sac. Congr. Episcop. & Regul. in Juvenac. 25. Januar. 1697.

2. **NEC ALIAM ILLICITAM PACTI-
TIONEM.**

Quæsitum fuit in Sac. Congr. Concil. in una Civitatis Plebis, an præsentatus, & nominatus ad Beneficium jurispatronatus cum pacto, quod deberet succumbere expensis litis super Beneficio vertentis, commiserit simoniam, adeout indigeret absolutione? & die 7. Julii 1696. responsum fuit -- *indigere absolutione ad cauthelam*: Et hoc quia non intervenit vera simonia, cum Capitulum Cathedralis præsentans, nihil recepisset, & præsentatus ignorabat pactum, de quo nulla mentio habebatur, in institutione.

3. Cæterum quando fieret pactum dandi, vel recipiendi aliquid, etsi minimum temporale, simoniacum esset, etiamsi promissum erogari deberet in utilitatem Ecclesiæ, Garz. de benef. p. 8. cap. 1. n. 32. Beljet. disq. Cleric. p. 2. tit. de pœn. Cler. §. 35. n. 5.

ubi de eo, qui promiserat sternere, porticum, Rot. cor. Seraph. dec. 767. n. 4. ubi de eo qui indemnes relevare promiserat ab omni damno præsentantes, & admittentes, & communiter tradunt Tondut. quæst. Benef. tom. 1. p. 2. cap. 5. §. 1. n. 5. Sperell. decis. 180. n. 43. Corrad. prax. Benefic. lib. 4. cap. 5. n. 51.

4. **SIC ME DEVS ADJVVET.** In Synodo Cæsenaten. typis edita anno 1695 offertur Formula juramenti, quam dat Pac. Jord. tom. 2. lib. 10. tit. 40. n. 189. in qua ponitur clausura -- *& Ecclesiæ ipsi, vel Beneficio per me ipsum deserviturum, & ad eam, vel ad illud assidam residentiam facturum*: Quam in mea Formula consulto omisi: Quia post Conc. Trid. receptio juramenti de residendo in Ecclesia Parochialibus (de quibus loquitur dicta Synodus) non est in usu, prout de hoc sciscitanti respondit Sac. Congr. Episc. Episcopo Feretr. 16. Julii 1591.

5. Præmissæ autem juramentorum formulæ emanant à jure communi in c. Tuos il. 1. & cap. Brevi de jurejur. necnon à Conc. Trid. sess. 22. c. 11. & sess. 25. c. 9. de refor. c. Nulli liceat de reb. Eccles. non alien. Non enim juramenta præstantur Episcopo contra dispositionem Text. in c. Nullus de jurejur. sed Ecclesiæ ratione commissæ administrationis Beneficii, juxta censuram Concil. Tolet. in cap. Quamquam 23. dist. Abb. in d.c. Nullus n. 2. ibique Hostien.

Juramenti Punctatoris Capituli.

FORMULA V.

SUMMARIUM.

1. Episcopus cogit Canonicum Punctatorem ad præstandum juramentum de fideliter punctando.

2. Et si adhuc de illius fide suspicatur, eligit Contrapunctatorem.

EGO N. Chori Ecclesiæ Cathedralis N. Punctator electus, promitto, spondeo, & juro me officium, quod suscepi, fideliter, & sincerè quantum in me

Q 2 est

est executurum, & impleturum, nec quicquam in eo favore, aut gratia humana acturum. Sic me Deus adjuvet, & hæc Sancta Dei Evangelia.

ADNOTATIONES.

1 ET JURE. Potest Episcopus cogere Canonicos Punctatores ad præstandum juramentum de fideliter punctando, Barb. in Summ. dec. Apostolic. collect. 301. n. 29. & de Canonic. & Dignit. cap. 34. n. 20.

2 FIDELITER. Si de Punctatoris fidelitate, aut de illius negligentia dubitetur, tunc Episcopus poterit eligere, & deputare Contrapunctatorem sibi benè visum, ut rescripsit Sac. Congreg. Episcop. Episcopo Fundano 16. Martii 1593. Nicol. fosc. verb. Punctator n. 1. Christpin. de Visit. part. 2. §. 20. num. 24.

Juramenti præstandi ab Examinatoribus Synodalibus.

F O R M U L A V I.

In Synodo.

EGO N. deputatus in præsentì Synodo Examinator eorum, qui eligentur ad Parochiales Ecclesias, juro me fideliter hoc examinandi munus performaturum, rejecto omni humano respectu. Ita me Deus adjuvet, & hæc Sancta Dei Evangelia.

Extra Synodum.

F O R M U L A V I I.

S U M M A R I U M.

1 Electio Examinatoris Synodalis potest probari alia specie probationis, licet

in Synodo non reperiatur descriptus
**2 Juramentum Examinatorum Synodali-
 um est de forma substantiali, eoque
 deficiente, concursus factus coram
 eis est nullus.
3 Sufficit tamen semel fuisse præstitum.
**4 Juramentum hujusmodi non præsumi-
 tur præstitum, sed debet probari.****

EGO N. Examinator in Synodo electus promitto, spondeo, ac juro munus, & officium mihi demandatum me fideliter quacunque humana affectione postposita, & sincerè quantum in me est executurum; sic me Deus adjuvet, & hæc Sancta Dei Evangelia.

ADNOTATIONES.

1 IN SYNODO ELECTUS. Quod quis fuerit electus Examinator in Synodo, probari potest alia specie probationis, etiamsi in Synodo non reperiatur descriptus, ut dicit Card. de Luc. de Paroch. disc. 2. n. 14. ideòque ut supra alibi tetigi, qui hanc qualitatem negat, illam concludenter probare debet, Lotter. de re benef. lib. 2. q. 31. n. 89. Barb. sup. Conc. sess. 24. c. 18. n. 102. de Ref.

2 AC JYRO. Hoc juramentum est de forma substantiali; eoque deficiente Exa-

minatores non dicuntur legitimi, & concursus factus coram eis ante præstitum juramentum est nullus, Sac. Congreg. Concilii in Alben. 2. Decembris 1628. Nicol. lucubr. canon. lib. 3. tit. 5. de Præbend. n. 15. Barbos. in Summ. decis. Apostol. collect. 201. num. 18. Rot. coram Buratt. decis. 262. num. 8.

3 Sufficit tamen, quod in Synodo, vel extra semel saltem juramentum præstitum de officio fideliter exercendo, ut communiter tradunt Garz. de Benef. par. 9. cap. 2. num. 359. Lotter. de re Benef. lib. 2. quæst. 31. num. 94. Pac. Jord. tom. 2. lib. 10. tit. 8.